

REFORMA  
TIO ECCLESIAE CO  
RONENSIS AC TO  
TIVS BARCEN  
SIS PROVIN  
CIAE.

CVM PRAEFATIONE  
PHILIPPI MELAN  
THON.

VVITTEMBERGAE  
ANNO. M. D. XLIII.

PHILIPPVS MELAN: S.D.

INDE usq; ab initio postquā exorta sūt Imperia gentes omnes inter se ferro gra ssare sūnt, & subinde mutationes Regno rū tristes & luctuosæ factæ sūnt. Primi Ba bylonij postea Assyrij, deinde Persa regna runt. Hes secuti sūnt Græci. Deinde Roma ni, mox Parthi, deinde Saraceni seu Ara bum latrones, mox Turci procul ex Cau casi iugis educti. Inter hos gentium tumul tus, & inter has Regnorum ruinas, res ip sa ostendit, semper duriter quaſſatam esse Dei Ecclesiam. Nam vt bella & vrbium excidia, fatales poenæ sūnt scelerum, idolo maniarum, libidinum, crudelitatum inter gentes, ita & Ecclesiæ delicta punient. Sed illud est p̄hs diligenter considerandum. Cum bella pariter graſſentur in impias gen tes & Ecclesiam. Epicurei existimant inane nomen esse Ecclesiam dei, nec ullam partem generis humani deo curæ esse. Sed nos, qui testimonia de Ecclesia omnium temporum certo consilio dei tradita, inde usq; ab initio in scriptis propheticis tene mus, dicamus ex superioribus exemplis, deum semper reliquias sibi, ut ita dicam ex cerptas ex prophânia multitudine seruasse & per has instaurasse & Ecclesiæ, si doctrinam. Sicut in diluvio seruauit familiam No

hæ, vt instaurandæ Ecclesiæ seminaria essent. Sic cum gens Iudaica abduceretur in Chaldeam, seruati Daniel, Zacharias & magna multitudo. Sed illud est deplorandum, non ſaepē vetus flos restituitur post il las insignes mutationes. Post diluvium quāta humani generis imbecillitas, quanta ter ræ deformitas fecuta eſt. Ita post reductam gentem Iudaicam ex Chaldea, nunquam splendor regni talis fuit qualis fuit Davidis aut Ezechie tempore. Discamus ergo has regnorum mutationes, poenæ esse peccatorum, nosq; ad poenitentiam & pietatem excitemus, vt deus mitiger poenæ & nos inter suas reliquias seruet. Maxime vero hi, qui in tali dissipatione Ecclesiæ gubernant, hæc consolatione populo pponat, ne existimet prorsus abiectum esse a deo vniuersum gen⁹ humanum. Sed in his tantis malis portum aliquem prospiciant, cogitent exempla omnium temporum, & calamitatum causas, & Ecclesiæ luctantem inter has tribunas & cofugiant ad vocem Euangelij, scientq; ibi mansuram Ecclesiæ, ibi deum adesse, exaudire, seruare reliquias & cœrum aliquæ, ubi manet vox Euangelij. Sicut Christus clare testatus eſt Ioh. xv. Si māseritis in me, & verba mea māserint in vobis, quidquid volucritis petetis, & fieri vobis, Nec proſea

Cto sanis mentibus vlla consolatio alia proponi potest, in qua acquiescant præter hanc doctrinā, quæ ostendit hunc portum, videlicet Christum. Quid prodest polliceri Pannoniæ, quæ tot seculis pro nobis arma gessit, mutuam & debitam defensionē? Quid prodest recitare fatalia excidia omnium Imperiorum? quid prodest deploare communem humani generis conditionem, quod vniuersū morti & varijs fortunæ casibus obnoxium est, ut dicitur in poemate:

Constat æterna positumq; lege est.

Vt constet genitū nihil. Hæc nō levant luctum, sed portus monstrandus est, quis finis ærumnarum futurus sit, & an deo in tantis miserijs cure simus, sicut ipse inquit: Inuoca me in die tribulationis, & eripiam te, & glorificabis me. Pie igitur & sapienter faciunt aliquæ in Pannonijs Ecclesiæ, quæ doctrinam curant repurgari, & vt populus in his miserijs consolationem firmā audiat, & ne in his nomen Chisti deleatur. Nec vero dubitandum est, deum in ijs locis ali quas sibi reliquias, aliquos cœtus, aliqua studia, aliquas scholas seruaturum esse, vbi sonat vox Euangeliū sublatis Idolis, & recte inuocatur deus, fiducia filij Mediatoris. Quare pij vbiq; dent opera, vt Ecclesijs suis vera ratione consulant.

OMNIBVS PIIS LECTO,  
RIBVS GRATIA ET  
PAX CHRISTI  
MVLTIPLI  
CETVR.

**Q**uæ tenebris hactenus per antichristum inuoluta fuerit christiana religio, & quæ grauibus traditionibus hominū oppressum fuerit salutare præceptū Dei, præter inseliciem multorum experientiam, uarijs doctissimorum virorum scriptis abunde testatum est, ac tanta librorum copia omnibus penè orbis angulis obtrusum, ut nemo posthac excusationem inscitæ suæ possit praetexere, nisi qui obturauerit aures suas & occluserit oculos suos, ac prorsus noluerit intelligere, ut bene ageret. Quod sane malum obstinata quadam opinione plerisq; accidit, dum respiciunt consuetudinem, multitudinem aut impiam potestatem & per socordiam incerti futurorū, presentem fortunam potius ampl exantur: Minime autem

A iñ curant

curat, ut primo diuersam partem audiant causam cognoscāt & intelligāt, ut postea rectius de ipso negotio iudicent, pr̄sertim cum sciant à Christo pr̄dicta tota scandala humanarū traditionum tanta signa & prodigia ambitionisorum hypocritarum, ut in errore inducātur (si fieri possit) etiam electi. Sed impr̄s blasphemij calumniætes ueritatē Dei, seducunt animos simplicium: & quo maiorem criminatio[n]ib[us] suis apud imperitos concilient autoritatem, omnia sub nomine patrum & ecclesiæ agunt. Quanquam ne nos quidem à sanctorum patrum institutis in ulla re dissensisse possunt arguere si modò intelligāt primos patres Apostolos, qui per euangelium Christi genuerunt nos in fide: & non posteriores apostatas, qui ab illorum doctrina, atq[ue] ipsius uerae ecclesiæ ordinatione turpiter seducti defecerunt, et propria scientia inflati, nullo pietatis zelo, sed tantum spe lucri peregrinos cultus ac formas ceremoniarum etiā gentibus ridendas, in ecclesiā sine uero bo dei

bo dei inuexerunt. Quæ peruersa temeritas pseudoprophetarū usq[ue] adeo inuauit, ut nisi Deus per scripturam uerbum suum sacratissimum diffudisset in orbem, actum hucusq[ue] fuisset de religione. Quod cum pro nostra mediocritate accuratius animaduerteremus, & emporium Coronense in ultimis partibus ecclesiæ occidentalis constitutis, assidue frequentari uideamus à Græcis, Bulgaris, Moldauis & Valachis trāspinīs, ac alijs orientali ecclesiæ subiectis populis, qui tum multitudine altarium & simulachrorum, tum etiam ineptis quibusdam ceremonijs vehementer offenduntur, & uarijs disputationibus de religione pertinaciter nos oppugnant, adeo ut sepe quorundam animos à ueritate seducant, & suis cōtentio[n]ib[us] ea, quæ compertissima sunt, apud simplices in dubiu[u] uocente: ne fides Christiana ppter nostras consuetudines male audiat apud eos, qui suos qualescunq[ue] ritus synceriores gloriantur, ac cæteris insolenter anteponunt, in quibusdam leuioribus cedere coacti

coacti sumus propter conscientiam .  
Tamen si pr̄ter has et alias iustissimas  
causas , in tam pr̄sentibus periculis  
temporum minime expectādos duxi-  
mus quosdam nimis secure dormi-  
tantes cum fatuis uirginibus, qui pro-  
cul dubio frustra querent oleum post  
quam clausa fuerit ianua : Sed remota  
omni ambitione, spretis imperiorum  
obtrectationibus, respectu solius ho-  
noris ac timoris Dei, per gratiam eius  
effecimus , ut status religionis apud  
nos per uarias superstitiones corrup-  
tissimus , redigeretur in formam bo-  
nis ingenij non aspernandam . Qua  
quidem in re diligentissime cautū est,  
ne quid noui sine testimonio scriptu-  
rarum, aut exemplo clarissimarum ur-  
bium in ulla parte susciperetur: neue  
in ijs, quæ sunt ad salutem necessaria,  
& habent manifestum mandatū Dei,  
aliqua committeretur negligētia. Ac  
ne offendantur quorundam ingenia,  
cum ab osoribus ueritatis hæc omnia  
interpretari audiunt in deteriorē par-  
tem, uisum est, palam rationem redde  
re ordina

re ordinationis ecclesiarum nostrarū,  
sperantes futurum, ut & cæteri pietas-  
tis studiosi, cognita ueritate, aliquam  
ex his capiant consolationē: cum pre-  
sertim intelligent quod nō agitur ne-  
gotiū de acquirendis, peritūris facul-  
tatis, aut similibus curis huius secu-  
li: sed de salute, aut æterna perditione  
animatorum. Dominus excite spiritus  
electorum suorum & extrudat opera  
rios suos in messem suam. Amen.

## DE DOCTRINA.

**Q**uoniam pr̄cipua pars religio-  
nis uersatur circa doctrinā, do-  
ctrina autem constare debet ex uerbo  
Dei, prima cura fuit, ut per communē  
ecclesiarum totius prouinciae uisitatio-  
nem, ministrorum eruditio explorare  
tur : & qui ad docendum non proba-  
rentur idonei, ab ecclesiasticis officiis  
in posterum absinherent : ne ipso ium  
ruditate & inertia populus neglectus,  
a uera pietate ad pr̄stinas fortes rela-  
beretur. Satis enim omnibus constat,

A v      quam

quam horrenda naufragia in ecclesia  
Dei sint inuecta, per eiusmodi ministros,  
qui omnis Christianae doctrinæ  
expertes, fiducia solius ordinationis  
intruserunt se passim ecclésijs, in quibus  
præter cauponationem nihil boni  
unquā exercuerunt. Prospiciant itaq;  
posthac omnes, qui officium docendi  
& sacramentorum administrandorū  
sustinent, ut bonis ac probatis autoribus,  
& certiore scripturarum cognitio  
ne sint instructi: nec tātum dicendo,  
sed etiam honeste uiuendo & facien  
do doceant: & cum militent Deo, non  
implicent se negotijs secularibus, qui  
bus suffocatur & infrugiferum reddi  
tur uerbum Dei; sed potius curent sa  
lutem publicā, ad quod munus nō ig  
norant se esse uocatos.

Rationē docendi cuiquam præscri  
bere, non est nostri instituti, sed illam  
ex honorū autorum monumentis cen  
semus petendam, ac obseruandum in  
concionibus, ut post textum euanges  
tiōrū adiungatur simplex ac pura lo  
corū interpretatio; Sic tamen, ut præ  
ter ma

ter manifestam scripturam & certissi  
mum uerbum Dei concionantes nihil  
admiscent de suis, aut aliorū opinio  
nibus: Nec prætermis̄ maximis &  
ad salutem necessariis mandatis Dei,  
populo tam imperiose inculcet, quid  
ipsis bene placeat, aut bonum & utile  
uideatur, etiam si non sit ex Deo. Opi  
niones enim neminem saluabunt, mā  
datum uero Dei est uita æterna. Idecir  
co nullus ministrorum fretus ingenia  
ta loquacitate impræmeditatus acces  
dat ad concionandū, & tempus inutis  
libus nūgī consumat, ut tantum satis  
faciat consuetudini, & uideatur ali  
quid fecisse, cum nihil fructu dignum  
præstiterit. Docentem præterea tem  
perare conueniet à scurrilitate & mor  
daciis inuectiis, quibus auditorum  
animi uehementer alienantur. & saepe  
cum oratore argumentum orationis  
respuunt. Eam ob rem scopus concio  
nanti propositus esse debet, ut appositi  
te dicendo persuadeat, quod absq; au  
ditorum beneuolenia non facile obti  
nabitur. Cætera pro se quisq; diligē  
at fide

ac fidelis pastor hac in parte emenda-  
bit.

## DE BAPTISMA TE.

Quod ad sacramentum baptismatis attinet, ordinationem VVittenbergensem secuti, propter astantes testes idiomate uernaculo pueros baptisimus, remotis tamē quibusdam superstitionibus ad substantiam illius sacramenti nihil pertinentibus, cum sint inventa hominum inutilia, & uerba pre cationum sine adhibitis istiusmodi re bus in fide pronunciata, tantundē efficiunt. Infantes autem, quos constat tempore necessitatis ab obstetricie legitime baptisatos, ex omnium ecclesiasticorum scriptorum sententia, constituius minime aplius rebaptisandos, quoniam sacramentis nihil accedit neq̄ decedit, ex qualitate personae ministrantis. Quin et Canones præcipiunt, non reiterandum esse baptismum etiam quod à laico aut pagano ministratur. Nec reiterandum baptismum, quod in fide sancte trinitatis ab hereticis,

ticis, schismaticis & facinorosis praestatur. Item rebaptisare hereticum hominem, qui haec sancte trinitatis signa suscepit, quæ christiana tradidit disciplina, omnino peccatum est: rebaptisare autem catholicum, immanisimum scelus. Quapropter neq; infantes neq; Valachi semel rite baptifati, sūt rebaptisandi, quemadmodum neq; circumcisio nē licebat iterari. Verum etiam si circa pueros baptifatos & ecclesiæ presentatos minister orationibus consuetis utatur, tamen ab exorcismo prorsus abstinere debet. Nam cum infans per baptismum in necessitate (ut iam dictum est) legitimate collatum, accepit spiritum sanctum, nullus spiritus immundus restat ab eo expellendus. In proselytis deniq; adultis testes alienos non requiri mus: quoniam prius rudimentis catechismi instructi, ore proprio fide in baptismate debent confiteri. Porro cū ceremoniæ cōsecatiōis præter uarios abusus nihil conferant aquæ baptismatis, nec per eas desequuntur in creaturam irrationalem & inanimatam

nimatam uirtus spiritus sancti, aquam consecratam à non consecrata nulla uirtute differre cognoscimus, ubi nō abhibetur in usum; sed cum iuxta ordinationem Christi accedit uerba ad clementum, tunc sit sacramentum.

## DE MISSA PRIVATA.

Quid de Missa privata sit sentendum, clarissimum orum virorum scriptis iam olim lucidissime est explicatum, quorum autoritas si nondū alicui fastis fecit, scimus quod & nostrae propositiones parum sint profuturæ: propter aliquos tamē qui uero pietatis zelo gloriam Christi querunt, nihil praetermittere uoluimus. Ac primum ex uerbo Dei agnoscimus & confitemur quod institutioni cœnæ domini indig-nissimum sit, ubi minister in Missa privata, nullis alijs participantibus, propter desiderium suum ex consuetudine sibi soli sumit ac retinet, quod pluribus porrigi conueniebat: quemadmo-dum uerba Christi manifeste testantur,

tur, Accipite, diuidite inter uos. Item Bibite ex hoc omnes. Et sicut Christus minime baptisauit semetipsum, sed ab alio baptisatus est: ita minister non sibi soli, sed alijs ministrare sacramentum debet. Cum autem questus & sustentationis gratia in ordine uicis luce etiam cum fastidio sibi sumit, sequitur consuetudinem sine testimoniis sacræ scripture introductam, per quam irritum facit præceptum Christi, qui hanc Cœnam instituit pro pluribus, maxime esurientibus & sitiensibus iustitiam & remissionem peccatorum. Nam qui naufragat super cibo illo si sumpserit, iudicium sibi manducat & bibit. Cæterum cum per doctrinam satanæ Cœnam domini finixerint esse sacrificium & opus bonum, quod applicatum pro alijs ementibus, mereatur remissionem culpæ & penitæ, & apud Deum omnia possit, abominabilis impietas fuit, & prophanatio testamenti Christi: in quo nihil illi præstamus, qui bonorum nostrorum non indiget, sed ab ipso summum bonum in remitti

remissionem peccatorum per fidē ac-  
cipimus. Ne igitur pestis istius absur-  
dissimae opinionis apud nos locum ha-  
beret, onus opera est adhibita ut Mis-  
sa secundum institutionem Christi in  
legitimam & ab Apostolis obseruata  
formam restitueretur, ne promissioni  
bus oblitteratis, & fide sacramenti ex-  
tincta, per hypocritarum opus opera-  
tum turpissimae nundinationes exer-  
ceretur. Siquidem ut nemo ex specta-  
culo baptismatis particeps illius fieri,  
aut pro alijs baptisari potest, ita neq;  
coena ab uno comedente percepta cir-  
cumstantes spectatores potest satureos  
reddere, sed cuilibet opus est proprio  
cibo. &c.

## DE MISSA PVBLICA.

**I**N celebratione Missæ (quātum fie-  
ri potuit) securi sumus ritum in euā  
gelicis ecclesīs usitatum, neq; ab illis  
temere declinandū iudicauimus, ne in  
singulis locis extarent diuersæ ordina-  
tioes, sicut hactenus cotigit, licet Chri-  
stianꝝ concordia uix quicq; fuerit ma-

gis co-

gis contrarium. Vnus enim Christus  
unus sp̄itus, unū baptisma, unus pa-  
ter omnijm Deus. Et quoniam om-  
nes de uno pane, & de uno calice par-  
ticipare debent, exemplo antiquitatis  
hoc mysterium uno die minime cense-  
mus repetendū: sed una publica Mis-  
sa semel in die ecclesiæ quamvis nume-  
rosa sufficiat. Quod si diuersitas ling-  
uarum obstiterit (quoniā proprio cu-  
iusc nationis idiomate x̄ba Christi  
sunt pferēday nihil prohibet pro nume-  
ro linguarum, aut distantia locorum  
singulas missas celebrari. Sin autē des-  
fuerint communicantes, nullam mis-  
sam priuatā ullo modo permittimus  
celebrandam, propter horrendos ab-  
usus, quos per suos ministros callide  
nobis obrusit satanas, de quibus in  
aliorum scriptis copiosissime est tra-  
ctatum. Ceterum in Missa peragen-  
da (preter impium Canonem & super-  
sticioſas quasdam gesticulationes) co-  
fuetis cationibus de tempore utimur.  
neq; in h̄s quaꝝ primitua seruauit eccl̄  
sa quicquā mutauimus: nisi q̄qod post

B

Epistolam interdum adhibemus cantiones germanicas, interdum uero alias consuetas, si non repugnant scripturæ. Loco Epistolæ aut Euangeliū integrum caput Noui testamenti ad populum legitur: deinde Symbolum fidei canitur lingua nostra, quandoque etiam latīna. Post præfationem cum suo cantico, præmissa breui cōmemoratione mortis domini & oratione dominica, minister uersus ad populum uerba testamenti ē scripto lingua uernacula super particulas panis iuxta numerum participantium præparatas, mox etiam super calicē & uinum clarissima uoce pronunciat. Nam pridie illius diei, qua Cœna domini peragenda est, aut eo ipso die communicatur sese ministro indicant, ut pro numero illorum sciat adhibere panem et uinum. Post consecrationem chorus incipit. Iesu Christus nostra salus, & similes cantiones uulgares, quas eousque continuat, donec omnes participantes fuerint per ministros expediti, quorum unus stans in dextra parte altaris, cor-

pus porrigit, alter in sinistra ex ordine ministrat sanguinem (licet paucioribus ad communicationem accedentibus etiā unus minister sufficiat) Hæc omnia cum gratiarum actione & benedictione populi finiuntur.

## DE RELIQVIS CERIMONIIS.

Vbi uero tempore consueto defuerint comunicantes, nullum officium Missæ peragitur, sed loco illius primū canitur psalmus germanicus: hinc post collectam additur aliqua pia Sequentia vel Tractus, cum lectione unus capitulū ex nouo testamento, ac Symbolo fidei & oratione dominica: post quam continuatur pro diuersis necessitatibus suffragia, explosis tamē scilicet & ubique creaturarū inuocatiōbus, quibus beneficium Christi nō medio criter est obscuratum. Vnus enim Deus, unus mediator Dei & hominum, homo Christus Iesus, qui dedit semes ipsum precium redemptionis pro omnibus. In cæteris autē officijs hoc mos

do est ordinatum, ut cum uideamus multiplicationem psalmorum ac alias rum cantionum matutinarum ab iganuis ministris cum summo fastidio infructuose deblaterari: nec arees, in quibus per prouinciam tēpla sunt constituta, hisce periculosis temporibus & uicinitate uariorum inimicorū, tuum sit in tenebris reserare, officium matutinum translatum est in tempus auroræ, in quo post uernaculae cantiones & litanias, post ordinatos matutinos psalmos, lectiones & respōsoria canitur Symbolū Athanasij, ac deinde germanicū canticum Te Deum laudamus: mox etiam Veni sancte spiritus, cui succedit publica contio. Prandio peracto iterum habetur contio in diebus festis, antecedente & subseguente aliqua cantione uulgari. Cæteris uero diebus per septimanam ante auroram præmissa cantiuncula fit concio familiaris pro institutione iuuentutis quæ clauditur cantione alicuius psalmi uel decem præceptorum. Hic finitis duo uel tres psalmi per ordine psal-

terij quotidie decantantur, quos sequitur Responsorium de tempore cum Collecta &c. Post hæc publice prægitur caput ueteris testamenti cū suis cincta interpretatione, in cuius fine rursus canitur à populo psalmus aliquis germanicus. In uespertinis precebus nihil penitus est immutatum, præterq; quod quintus psalmus ad ædificationem ecclesiæ canitur lingua uulgaris. Peractis omnibus, puellulæ scholastice aut aliquas cantiunculas in templo decantant, aut quæstiones de præcipuis partibus catechismi mutuo proponunt, & ad instructionem auditorū explicant. Interdum etiam aliquis missorum rudimenta catechismi iuuentuti pronunciat. Qualiter autem ceteri ritus iuxta uices temporum anni nobis obseruentur, è scriptis aliore cuilibet licebit apertius cognoscere.

## DE CVRA AEGROTORVM.

Auditores in concionibus sedulo sunt per ministros admonendi,

ut sani

ut sani frequentius accedant ad participationem mensæ domini, nec ut alii  
semper expectent finem. Quadraginta  
gesimæ, in quo sine pietatis affectu tu-  
multuose omnes, quo tantum satisfa-  
ciant consuetudini, concurrunt; quod  
satis arguit eos non dijudicare corpus  
domini. Quod si alicui permisso Dei  
superuenerit iusta necessitas, etiam se-  
paratim in ædibus priuatissimis porrigi de-  
bet testamentum Christi, quia necessi-  
tas non habet legem. Cum autem cer-  
tum sit, dignitatem sacramentorum ob-  
scurari, ubi leuiores ceremoniae eadem  
observationis necessitate proponuntur,  
qua utiq; nec facientes iuant, ne  
omittentibus nocent: statutum est,  
ut minister sine lucernis, strepitu cim-  
bali & habitu imprecitos ad idololatri-  
am prouocante, comitantibus ijs qui  
procauerunt, cum pane & calice se co-  
ferat ad ædes ægroti, ibi post consue-  
tam consolatione more legitimo uerba  
consecrationis super panem & ui-  
num palam pronunciet, & ægrotos  
mitring; ministret; nec inanem mon-  
strationem

frationem panis, infirmo credat pro  
futuram, ubi res ipsa desideratur.  
Huiusmodi forma consecrationis eti-  
am utimur, cum unus aut alter ex iu-  
sta causa communis participationi in-  
teresse non possunt, saltum obserue-  
tur, ut pro numero participantium ui-  
num fundatur in calicem, &c. Si quid  
obstiterit, quo minus ægrotus sacra-  
mentum percipere possit, à consecra-  
tione quidem abstinentur, uerbo au-  
tem Dei consolandus est & confortan-  
dus in fide. Nolumus insuper, ut mi-  
nister prætermis uerbis testamenti  
amplius utatur particulis iam olim in  
angulum contra institutionem Chri-  
sti repositis. Nam sicut in sacra-  
menis nullus effectus sequitur, ubi desunt  
uerba, ita uerba nihil efficiunt, quoti-  
es res ipsa non existit in usu. Proin-  
de non uidebatur tolerandum, ut ex  
superstitione maiorum eiusmodi par-  
ticulae, post inutilem consecratio-  
nem, ad impietatem & scandalum  
uspiam reponerentur, & illis ali-  
quis cultus exhiberetur. Siquidem

B iiiij

Christus dixit, Accipite, edite, &c. et  
nō dixit: Seponite, occludite ac deam-  
bulatum circumferete. Scimus autem  
quod uerba testamenti, simul & bap-  
tismatis, ac absolutionis quandocumq;  
& ubique debite pronunciata plenif-  
erimam uim habent, cū usus legitimus  
accedit.

### DE ABSOLUTIONE.

Potestatem claviū à Christo chris-  
tianis relictam, ex euangelica ue-  
ritate nemini est obscurum, sed quod  
illa ad paucos, & eos plerunq; indoctis  
simos fuit contracta, uarios errores in  
ecclesia peperit, dum confessores isti  
nonnunquam participantes cum suri-  
bus & prædonibus per absolutionem  
indiscriminatim se remittere iactau-  
runt debita quorumuis debitoribus,  
quod non est uerisimile: Quoniam pec-  
catum non remittitur, nisi restituatur  
ablatum, nec iniuria remitti potest ab  
alio, quam qui illam passus est: quemadmodum  
Christus præcipit. Recon-  
ciliare fratri tuo, qui habet aliquid ad-  
uersum te: quo placato, nihil opus est  
ulteriore

ulteriore absolutione ab eodem crimi-  
ne: Nam si duo consenserint super ter-  
ram, de omni re quamcumq; petierint,  
sicut illis à patre qui est in celis. At si  
quis contra Deum deliquerit, & con-  
fitetur aduersum se iniustitiam suam  
domino, & si plenissime remissæ sunt  
inquitates peccatorū illius, haud inco-  
gruum erit, conscientia grauatū quo-  
nis tempore aut loco sacris consolatio-  
nibus subleuari, quod profecto ab in-  
sultis & scripturarum ignarisi fieri nō  
potest, quamvis isti uchementius ur-  
geant hoc genus priuatæ confessionis  
quam ullum grauissimū præceptum  
Dei. Verum cum nulli hominum licet  
sit, aliquid tanquam ad salutē ne-  
cessariū in ecclesia statuere extra uer-  
bum Dei, & probatissimorum scripto-  
rum testimonio constat, cōfessionem  
auricularem nō esse ex Deo, sed ex ho-  
minibus, & quius cum illa fuerat agen-  
dum, nec necessariō semper alliganda  
communicationi, ubi promiscue plus  
rimi simul confluētes, sine ulla instru-  
ctione præcipitater absoluuntur. Cæ-

terum cū ibi de sua fide explorari, &  
in doctrina christiana institui debeat  
imperiti, ministrorum erit, errantes  
docere, respondere sciscitantibus, ac  
rudiores examinare: quoniam docen-  
tem loqui oportet, discipulum uero  
auscultare: quod in hac parte præpos-  
tere semper fuit inuersum. Vñsum est  
igitur, ut ministri in scripturis non ex-  
ercitati, nec ad prædicandum idonei,  
nunquam posthac ad confessionem  
audiendam admittantur, præsertim  
quod in confessore non inferior cog-  
nitio scripturarum requiritur, quam  
in concionatore. Concionator enim  
argumentum notum ac diligenter me-  
ditatum simpliciter proponit: Confes-  
sorem autem uarias & inauditas diffi-  
cultates ex improviso propositas, infi-  
nitis rationibus ac testimonij opor-  
tet dissoluere. Quod pleriq; parum  
aduertentes, leuisimum consolanda-  
rum conscientiarum officium putau-  
runt, & ad ineptissimos quosq; ac pro-  
phanissimos ministros reiecerunt: Vn-  
de præter grauas discordias tam pesti-  
fera

fera zizania seminata, tot scadala sūt  
exorta, ut linguis hominum enumera-  
ti uix queant.

## DE EXCOMMUNI- CATIONE.

Quandoquidē autoritate claviū inso-  
lentius abusi sunt quidam pastores ec-  
clesiarum, dum nonnunquam exclu-  
dendos inconsiderate admiserunt, &  
ex causis leuissimis ac sine pudore uix  
recensendis à communione prohibue-  
runt pauperes & innoxios: consultius  
uñsum est, ut in posterum nullus à co-  
munione arceatur nisi ex causis à di-  
uo Paulo 1. Cor. v. & alibi enumeratis  
ita tamen, ut huic spirituali poenæ nul-  
la poena ciuilis per ecclesiæ ministros  
admisceatur. Nec uero solius pastoris  
arbitrio, sed potius ecclesiæ suffragij  
excommunicari quis debet, iuxta or-  
dinē à Christo nobis traditum, Math.  
xviiij. ut si frater qui crīmē admisit, pri-  
mo priuati, secundo adhibitis testibus,  
postremo etiā corā ecclesia admonitis  
resipiscere

resipiscere neglexerit, per publicum  
ecclesiæ ministrum consensu multitu-  
dinis proclametur excommunicatus,  
& deuitetur à cæteris tanquam ethnici-  
cus & publicanus, donec redierit ad  
meliorē frugē, & corā ecclesia rursus  
publice fuerit absolutus. Porro qui spi-  
ritū Dei nō habent, & præceptis eius  
propria tyrannide cōtumaciter aduer-  
santur, nunquam possunt autoritate  
solius uocationis quemlibet ligare uel  
soluere. Qui enim iustificat impiū,  
& qui condemnat innocentē, ab omis-  
sione Dei sunt ambo. Pro. xvij. Cas-  
uendum igitur, ac circumspectius hac  
in parte agendum, quō per fragilitatē  
uel errorem semel aut iterum lapsi, in  
super & obstinatius in peccatis perse-  
uerantes, antequam rite sunt admoni-  
ti, nequaq; excommunicentur, ut neq;  
præcipitanter & inuidiose per excom-  
municationem queramus vindictam  
& incaute maledicamus benedictis,  
ac nobis ipsis cumulemus maledictio-  
nem. Nec etiam cuiuis cito manus im-  
ponamus, ut posthabitis fratribus la-  
sis ac

sis ac nondū reconciliatis, remittamus  
debita debitoribus alienis, atq; comu-  
cemus peccatis illorum in nostrā pera-  
ditionem.

### DE VOCATIONE.

Postquam ecclesiastica ordinatio  
cepta est reformari, prospiciendū cu-  
rauimus, ut in futurum ubiq; seruen-  
tur idonei ministri, sine quorum ope-  
ra religionis administratio costare nō  
potest. Quisquis igitur moribus &  
eruditione primum non fuerit proba-  
tus, nec post probationē ex iustis cau-  
sis legitime uocatus, nunq; posthac ex  
nostratisbus ordinetur, neq; ad consue-  
tum ministerium ecclesiæ suscipiatur.  
Nam iuxta sententiam Pauli, Diaconi  
primum probentur, postea ministrēt.  
Itaq; nullus amplius proprio impulsu  
curlitet ad ambīēdām ordinationem,  
& ineptissimus rediens obtrudat sē ec-  
clesijs, & gloriatur uocatu. Nam eius-  
modi inutiles & scādolosos ministros  
qui abutuntur nomine uocationis ad  
destruendum potius quam ad ædifi-  
candū

candum penitus rejicimus. Contumaces uero, & obrectatores euangelicæ ueritatis, qui similes argentario illo Ephesio curā sustentationis nō religiosis gerūt, & propter quæstū factiosas seditiones contra manifestam doctrinam Christi mouent, Quicq; missam priuatam pro pecunia ubiung; locorum celebrare non uerentur, neq; suscipiantur ad ecclesiasticum ministerium, neq; suscepti retineantur. Satius est enim paucorum uentreſ negligere quam multorum animas à ueritate seduci. Qui uero suis officijs recte funguntur, illis à suis parochiis constitutis erit certum ac iustum stipendum, cū habitationibus ad necessitatē eorū nō minus commodis, quā antehac habuerunt. Nec erit conueniens, ut parochi ministros ecclesiæ utiles priuata uoluntate propter uanissimas causas à uocatione repellant, & instar stabulariorū quotannis mutent. Imo ne ipsi quidē pastores post confirmationem qua se priori uocationi obstrinxerunt, aliam præbendam supra aliam sibi cumulēt,

cum

cum non modo pluribus officijs soli sufficere possint, uerum eidens argumentum p̄̄heat auariciæ radicis omnium malorum, quæ a cognitione ueritatis longissime abducit, nec habet partem in regno Dei.

## DE OFFICIIS MINISTRORVM.

Quod autem officium illorum futurum sit, ex obseruatione ceremoniarū cuiuslibet ecclesiæ facile constabit. Hoc tamen deinceps cōmune erit omnibus ubiung; in prouincia constitutis, vt parochus ipse singulis diebus, festis concionetur, & attendat ac scia quid & quomodo cæteris diebus, etiā ipso absente in templo geratur. Non enim potest esse pastoris excusatio, si Lopus ques comedit, & pastor nescit. Minister uero per septimam in officio auroræ post confuetas vulgares cantiones lectionem unusus Capituli, secundum ordinem Novi testamēti populo publice prælegat, & in

& insigniores locos illius textus ad utilitatem auditorum interpretetur: nec quisq; excusat uoluntariam cessationem paucitate auditorum. Catechismus insuper quatuor temporibus anni, loco prædicti capitis iuuentuti breuiter declaretur, una quidem & eadē formula, ne frequens mutatio uerborū & interpretationis pueros ab ediscendo remoretur. In summo autem officio, ubi nulli præsto sunt communicações, ministri cum scholasticis psalmos aliquot latinos exercenda iuuentutis gratia decantabunt, cibis accendent consueta suffragia, pro regibus, concordia ecclesie, pro peccatis & pro pace. Cæterū cū per hāc ordinationē fatis videatur remissum, ut in tanta penuria eruditorum parochi pro pluribus unicum in pagis sustentent ministrum: ne quis calumnietur nos tantū grauamina abiecisse, placuit ut in opipidis & maioribus pagis ex pristino iure duo officia quotidie peragantur: Quod si quis parochorum officiū sibi præstare noluerit, aut non potuerit;

loco suo alterū ministrū cōducat. Si autē idoneos ministros quærere neglexerit, oblatosue repudiauerit, aut inuenire, seu per tenuitatem prouentū seruare non poterit, totum onus ecclesiasticæ functionis recidet in ipsum. Neq; enim religioni cōsentancum uidetur, ut cōgregationes fidelium quo uis modo debita fraudētur institutiōe

### D E S C H O L I S.

Quēadmodum in hortorum cultu requiritur assidua plantatio arbustivarum, ut antiquis deficientibus subfronde in locum succedant recentiores. Sic ad cōseruationem religionis maiores nostri in primis necessariam iudicauere institutionem iuuentutis, quæ ad communem rerum publ. utilitatē educata, ecclesiæ ministerijs rite præesse possit. Ideoque publicis impensis schoolas passim constituerunt, quæ hactenq; iniuria turbulentissimorum temporū, et negligentia inimicorum pietatis desolatæ pene conciderunt. Ne itaque id malum apud nos lati serperet, quatuor

C

nus fieri potuit diligenter prouisum  
est studiose iuuētū, ut in ciuitate p̄r  
ter cæteros a maioribus aut nunc pri  
mū ordinatos præceptores qui pu  
blicis stipendijs contenti, omne genus  
disciplinarum gratis docent, seruētur  
& alij lectores i:donei, qui studia pietā  
tis & liberales artes in vtracq; lingua  
continuo profiteantur. Ad cuius rei  
fœliciorem successum nūc quoq; post  
quam multiplicatus est numerus stu  
diosorum, monasterium vnum trans  
mutatum est in publicum lectoriū &  
scholam parvulariū. His accedit, quod  
in omnibus locis prouincie ludi literarij  
structura, rectoribus & stipendijs in de  
bitā formā sunt restituti. Quod ex  
emplum vtinam & alij quamplurimi  
perpenderent, & in tempore imitandū  
curarent, ne patria nostra inter medi  
os hostes gratia Dei non in cultissima,  
per incuriam magistratum, ad quos  
nō officium pertinet, breui degene  
ret in impiam barbariem. Quod ne ali  
quando contingat, omnibus modis suc  
currēdum fuit; ac ne quicquam admis  
ticulorū

niculorum religioni conseruandę, de  
esset, etiam constructa est pro necessi  
tate studiosorum publica bibliotheca,  
omnigenis bonis autoribus, theologis  
medicis, iureconsultis ac cæteris politio  
ribus pro nostra mediocritate referta.

### DE PĀVPERIBVS.

Cum ex Deuteronomio constet, non  
defuturos pauperes de medio terræ,  
quorum inopiam nostra benedictione  
subleuandam Deus præcepit. Et Pro  
pheta beatum appellat eum, qui intel  
ligit super egenum & pauperem &c.  
Insuper & Christus in euangelio totis  
es inculcat misericordiam, per quam  
adeo firmiter se nobis obstrinxit, ut ta  
lem sine dubio ipsum simus expertu  
ri, quales nos gellerimus erga paupe  
res, quos suo loco nobis in terris reli  
quit. Quicquid enim bonis his feceris  
mus, ille sibi acceptum vendicat et glo  
riatur, & centuplum se repenitū pro  
mittit in tempore hoc, & in seculo ve  
turo vitam æternam. Alienum à pro  
fessione nostra uisum est, ut iuxta con

suetudinem patrum, homines morbo  
senio, aut paupertate confecti, in frigo-  
re, pluvia & aestu per biuita prostrati,  
& stipem cum gemitu emendicare cu-  
pientes, inhumaniter negligerentur.  
Sed illis ultra consuetam aliorum pau-  
perum in tribus hospitalibus suffenta-  
tionem publice prospectum est in ci-  
uitate, ut omnes habeant tolerabilem  
victum. Ad quod pietatis opus exes-  
quendum, electi sunt duo prouidi &  
constantes vires in senatu, ac duo ex cen-  
tumuiris, qui singulis septimanis secū-  
dum facultates prouentuum nostrati-  
bus pauperibus necessaria distribuūt.  
Cæterum cum priuatorum largitio-  
nes in tanta rem penuria non suffi-  
ciant, ad eam dispensationem transla-  
tum est, quicquid inutiliter in res non  
necessarias prius est erogatum. Ac si  
verum fateri uolumus, commodius es-  
set omnibus rebus pub. ut prouentus  
inutilium fraternitatum, & impiarum  
fundationum, item stulta legata quo-  
rundam testamentorum, nonnullas eti-  
am uacuorum monasteriorum posses-  
siones

sioncs, cum impensis opificum ad me  
ridianas cæcorū lucernas inaniter pro-  
fusis, aut si quicq; uspiam extat simile,  
ad eiusmodi sustentationem pauperū  
conuerterent; quoniam fœneratur Deo,  
qui miseretur pauperis, & retributio-  
nem eius compensabit ei. Pro. xix.

### DE PUPILLIS.

Post prouisionem pauperum, prox-  
ima cura debetur pupillis, quos Deus  
in pluribus locis ueteris testamenti di-  
ligentissime commendat magistrati-  
bus, & se se illorum iudicē ac protecto-  
rem pollicetur futurum. Cum autem  
compertum sit, in bonis pupillorum  
uariis iniquitates sæpen numero cōmiti,  
secundum æquissimam formam iu-  
ris illis duximus succurendū, ne quis  
pius tutelæ administrator inscius eius  
modi iusticie, grauius impingat, & co-  
citet in se furorem Dei uindicis pupil-  
lorum. Quamobrem cōstitutum est,  
ut integra hereditas pupillorū per or-  
dinatos ē senatu viros diligenter con-  
scripta & obsignata in prætorio con-

C iij

seruetur, & pupillis ex ea de honesta  
educatione subueniatur. At si quis ex  
tra hanc ordinationem testamēto scri  
ptus sit tutor, absq; autoritate senatus  
nullo modo tutelam administret, nec  
bona pupillorum, nisi prius per magi  
stratum conscripta, in potestatem ac  
cipere audeat. Cū autem tutoris præ  
cipuum officium sit, ne indefensum pu  
pillum relinquat, minime uidetur dē  
fendi, cum non sit nomine illius, quod  
quislibet paterfamilias idoneus in re  
bus proprijs faceret. De omnibus er  
go quæ tutor fecit, cum facere non de  
beret: item de his quæ non fecit, presta  
bit dolum & culpam, & quantam in  
suis rebus diligentiam. Quod si  
pupillus ætate metu, vel calliditate tu  
toris circumscriptus, inciderit in capti  
onem, causa cognita à iudice in inte  
grum restituatur. Nam cum pupillus  
ex nullo contractu sine tutoris autori  
tate obligari possit (quoniam iuxta re  
gula iuris. Pupillus nec velle, nec nolle  
in ea ætate creditur) nulla æquitatis ra  
tio permittit, ut in rem suam tutor au  
toritas

toritatem accommodet, quod cum al  
terius detimento & iniuria fiat locus  
pletior. Nec uero recte faciunt, qui pu  
pillis bonæ indolis impensas ad insti  
tutionem & necessaria studia prætex  
ti fidelioris dispensationis denegant,  
& singunt sese illis integras conferua  
tuos opes ad tempus, quo illis minus  
indigebunt. Verum vt cuncti ista con  
tingant, officio tutoris incumbit, ratio  
nes actus sui pupillo præsentibus ordi  
natibus magistratibus reddere quorū iu  
stam sententiam absq; voluntate pu  
pillorum per verecundiam aut timo  
re extorta, ratam haberi decernimus.  
Nec permittendum tutori, tantum in  
rationibus reputare, quantum impen  
dit, si plus quam opus fuit, inutiliter  
impenderit: sed ut solum id recuperet  
quod præstare debuit. Quod si qua  
iusta causa suspectus tutor fuerit, des  
bet per magistratum à tutela remoue  
ri, & tutela alijs bonæ fidei iuris com  
mendari.

DE LIBERTATE  
CHRISTIANA.  
C iiiij

Postremo qualis sit ratio Christianæ libertatis, ex multorum testimonij non potest esse ignotum ijs, qui ueritatem diligunt. Quod tamen nonnulli caluniantur nos licentius egisse in ijs, quæ non modò sunt libera, uerum etiam à Deo ipso instituta, sciant post hac & persuasum habeant, quod ab ecclesia catholica & orthodoxa fide, atq; ipsa euangelicæ ueritatis doctrina in nullā partē declinauimus. Nā quod de matrimonio sacerdotū inaniter obiiciūt & criminatur, cu etiā ipsorum sententia matrimonium numeretur inter sacramenta. Sacramentum non potest esse aliquid malum, igitur ijs qui contine re non possunt potius erat præcipie dum quam prohibendum. Præcipue quod Apostolus 1. Tímoth. iij. uocat doctrinas demoniorū, quæ prohibent contrahere matrimonium et iubet abstinere a cibis, quos Deus creauit ad sumendum cum gratiarum actione fidibus, & ijs qui cognouerunt ueritatem. Quoniam quicquid creauit Deus, bonum est, et nihil reprobandum, si-

cum

cum gratiarum actione sumatur &c. Dies festos propter multiplices abusus in angustum contraximus, obseruatris tamen omnibus ijs, qui in ecclesia generali ob historias in sacris literis comprehesas sunt recepti. Proinde nemo nos vterius iudicet in cibo aut potu, aut in parte diei festi &c: quæ sunt umbra rerum futurarum, & obseruationes iudaicæ: Quoniam iuxta præceptum dñi Pauli, in libertate qua Christus nos liberauit stabimus, et minime iterum iugo seruitutis subiiciemur, neque curabimus inuidos hypocritas, qui claudūt regnum cœlorum coram hominibus, ipsi non ingrediuntur, & ingredi cupientes prohibet. Satis hactenus propter infirmos, uel potius incredulos & obstinatos a nobis est cunctatum. Quod si nunc tandem fideliter admoniti in incredulitate sua facere perseuerauerint, obstinatam infirmitatem ipsorum haud ultra duximus expectandam: Sed omnem plantationem quæ non plantauit pater cœlestis, eradicatoribus, sicut eradicata est in alijs

C v

prijs ecclesijs, à quibus deflectere nō est  
necessarium: quoniam certum est, nul-  
lam humanam constitutionem oblī-  
gare quenqua sub poena æternę dāna-  
tionis. Furor autem & indignatio ad  
uersus omnem animam ordinationi  
diuinę contradicentem.

Hortamus itaque omnes, in quoru-  
manus hæc scripta inciderint, & obte-  
stamus per aduentum domini nostri  
Iesu Christi, & salutem animarū sua-  
rum, ut neglectis impiorum obre-  
ctationibus causam nostræ religionis dili-  
gentius perpendant atq; examinent.  
Timeant Deum, et dent illi honorem,  
quoniam adeit hora iudicij eius, quo  
perfidos aduersarios præceptorum su-  
orum, & sacrilegos murmuratores, cu-  
pidos redire ad ollas carnium Aegyp-  
ti, extermiabit & computescere faci-  
et in deserto, & excitabit sibi nouū po-  
pulum, quem glorioſissime introdu-  
cet in requiem suam, eo quod credide-  
runt uerbis eius, & in iuis eius manse-  
runt, nec iuerunt post inuentiones ho-  
minum, sicut patres eorum, qui obdu-  
rauerunt

corda sua, & causā suam per-  
tinaciter iustificauerunt contra altissi-  
mum, ac Deo nouos cultus contra p̄ceptum  
eius ausi sunt uiolenter obtru-  
dere, quos ille non respicit neq; curat,  
qui se dixit frustra coli doctrinis ac  
mandatis hominum. At si quis sermo-  
nem Christi seruauerit, mortem non  
videbit in æternum. Qui autē ex Deo  
est, uerba Dei audit. Oues Christi vo-  
cem eius audiunt & illum sequuntur:  
alienos autem non sequuntur: sed effu-  
giunt ab eis, quia non nouerunt vocē  
alienorum, qui à semetipsis loquentes  
nihil aliud quam prouentum & glori-  
am propriam querunt. Caucant ita-  
q; omnes ab eiusmodi pseudoprophe-  
tis & videant, ne voluntaria socordia  
cæci à cæcis ducibus per viam latā &  
spaciousam pertrahantur in foucā, vn-  
da nulla erit redēptio. Neq; em excusa-  
tio ignoratiæ restabit seruo qui nesci-  
uerit voluntate dñi sui, multo minus  
ei qui scire noluerit, aut facere contu-  
maciter recusauit. Nos præsentibus  
scriptis palam testamur, quod aliorū  
gratia isto negotio nihil poshabuim⁹

Et licet quædam leusora quam conue  
niebat, h̄ic uideantur inserta, quædam  
etiam breuius & imperfectius expli-  
ca ta, si tamen quispiam cæteras religio-  
nis ac ceremoniarum quisquilias in ec-  
clesijs resormatis iam olim abrogatas  
pleniū cognoscere voluerit ( quando  
quidem ecclesiasticam ordinationem  
**V**ittembergensium potissimum se-  
cuti sumus) ex doctissimis illorū  
scriptis rationem omniū in-  
telliget. Si quis quere-  
re ac resipiscere neg-  
lexerit, sanguis  
cius sit super  
eum.

F I N I S.

**VITTEMBERGAE PER**  
Iosephum Klug Anno  
**M.D.XLIII.**

